

տիկն Հայոց . գրէի , այլ եւ յեկեղեցւոջն սպա-
սաւորէի ընդ այլ սարկաւազսն» (էջ 252) ,
այն է 1615 Սեպտ. 25էն մինչեւ 1616
Ապրիլ 9 : Հոս առիթ կ'ունենայ տեսնուելու
Սոյ Յովհաննէս Կաթողիկոսի հետ , որ նոյն
(1616) տարւոյն ուխտաւորներու վերջին
խումբին հետ կը ժամանէ Երուսաղէմ (էջ
262) :

1616 Ձատկէն վերջը Յովհաննէս Կաթողի-
կոսի եւ Ղուկաս Եպիսկոպոսի խումբին հետ
կը մեկնի Հալէպ (317)⁸ եւ անկէ Մարաշ—
Ֆոնուզ — Ձէյթուն — Կեսարիա — Էնկիւրի—
Գոնիա — Սիվրիհիսար — Պարահիսար — Իզ-
միտ ճանապարհով կը հասնի Կ. Պոլիս
(1618 Մայիս-Յունիսին) :

Ի Կ. Պոլիս «կացաք , կ'ըսէ , երկու ամիս
մինչ Լէհու քարվան եկաւ , ընդ նոսա խառ-
նեալ մեծ արապա մի նստաք երեք ձիով .
չուեցաք ի Լէհ» (էջ 335) :

Սիմէոն Կ. Պոլիս կը գտնուէր 1618 Յու-
նիս 19ին . այս տարի կ'օրինակէ հոս Միքայէլ
Թոխաթեցւոյ հետ Սողոմոնի գրքերն եւ ԺԲ .
մարգարէները . այսպէս կը գրէ Յիշատակա-
րանին մէջ . «Արդ ես տկարս արհեստ գրչու-
թեան եւ յեանեալս յամենայնի հիւանդ գո-
լով . . . սկսայ . . . եւ յանդ ելեալ կատա-
րեցի ի վայելումն . . . կուսակրօն տէր Յա-
կոբ արի եւ քաջ կրօնաւորին . . . Բայց գրե-

⁸ Սիմէոն ի Հալէպ էր 1616ին . ա' յսպէս իմացիր
էջ 318 ծան. :